



Universitätsbibliothek Paderborn

Johannis Trithemii Spanheimensis Primo, Deinde D. Iacobi Maioris Apvd Herbipolin Abbatis, viri suo aeuo doctiss. ... Partis Opera Historica, Qvotqvot hactenus reperiri potuerunt, omnia

Partim E Vetvstis Fvgientibusque editionibus reuocata, & ad fidem
Archetyporum castigata; partim ex manuscriptis nunc primùm edita ;
Qvorvm Catalogvm Aversa pagina exhibet

Iohannis Trithemii Spanheimensis Primo, Deinde D. Iacobi Maioris Apvd
Herbipolin Abbatis, viri suo æuo doctissimi Secvndæ Partis Chronica
Insignia Dvo - I. Coenobii Hirsavgiensis, Diœcesis Spirensis: eius
foundationem & progressum ab Anno Christi DCCCXXX. vsque ad Annum
MCCCLXX. II. Coenobii ...

Trithemius, Johannes

Francofvrti, 1601

V. Io. Trithe. Ab. Span. Magistro Iacobo Trithemio fratri. S.

urn:nbn:de:0128-1-17336

tempore ratio est habenda, cum odiorum in nos causas non vnam, sed plures aperientes iniustas. Interea nobis patienter ferendum quod necessitas indicit, donec Sol, quem caligbras exterminans. Mitte ad nos cum latore presentium è Græca Bibliotheca nostra lecta volumina, vt habeamus ad manum in lecto ægritudinis nostræ, quibus fructuose occupemur per interualla scripturarum studijs. Dictionarium imprimis Græcum ab Aldo impressum Romano mittas velim. Ac deinde Psalterium ab eodem formis excusum Venetijs. Item epistolas Græcas man. nostra descriptas. Zenobiam quoque, & ea quæ nos in breuiculo consignatis, vt mittas similiter præcipimus. Vale nostri memor ad Deum. E. 10
Spira vltima die mensis April. Anno Christianorum M. D. V.

V.

IO. TRITHE. AB. SPAN. MAGISTRO IACOBO
Tritheimio fratri. S.

CONTVLI me pridem in ciuitatem Spirensē, non voluptatis causa, sed necessitatis, nequem Budoris infirmitate mea grauarem, malens esse cum noris & amicis, & illis maxime, quibus olim beneficia contuli, quam cum extraneis in Nouocastro, * vbi diebus quatuordecim mansi ægotans. Sum autem domo Abbatis Lympurgensis hospitio re- 20
ceptus, & nec dum satis conualui de cunctis infirmitatibus meis. Nolumus te in Spanheim manere diutius, ne quid in te mali forsitan machinentur æmuli nostri, quos absentiam nostram grauius ferre intelleximus. Verentur enim (vt coniectura æsequimur) ne forte praua eorum consilia per nos in noticiam piissimorum principum deducantur, quod certe non sine causa metuunt: quippe qui conscientia sua sibi contestante intelli-
gunt, quam præsumptuose nobis contumeliam propter Principis erga nos clementiam intulerunt. Quid autem dicent ad hoc, quod in nullo à nobis læsi vnquam, nos propterea persequuntur odio, quia serenissimo bene sauemus principi Budarorum, qui nobis pius
semper & elementissimus extitit? O inuidia semper cæca, nemini plus noxia quam sibi: quem te persequi arbitraris? Domini est terra, & plenitudo eius, pro cuius amore totus mun- 30
dus in hi patria est, & facilis vnus iactura cœnobij. Sed hæc tecum frater silentio regenda, quia nondum venit tempus, quo arcanum mentis meæ consilium in publicum exponatur. Numen sequor occultum. Accepit tecum libris tuis ac vestimentis, quamprimum ad nos Neamaticum * venire cum fratre Theoderico festina: parauimus tibi locum in-
ter familiares Abbatis Lympurgensis non vltimum, à quo in secretarium assumeris, quousque nobis lux interclusa resplendeat. Libris & rebus nostris, τῆς πατρῴας οἰκίας, & ἀλλὰ τῆς πατρῴας ἰουδαίας, iuxta ordinem & modum nostræ voluntatis, quem iste frater tibi dicturus est, rite dispositis, clauēs domus nostræ Abbatis omnes ad manus Prioris consi-
gna. Affert tecum libellos deuotionis nostræ græcos, quibus diutius carere non possumus. Cætera vero omnia philosophiæ sacratoriis necessaria in locum reconde dispositum, do- 40
nec finem consequantur epiclemata nostra. Vale frater vnice atque dulcissime. E. Spira vltima die Mensis Aprilis. Anno Christianorum M. D. V.

VI.

IO. TRITHE. ABBAS SPAN. ROGERIO STCAMBRO,
amicorum constantissimo S.

LEGIMVS indicem lucubrationum tuarum, quem nobis per Laurentium tabellarium nostrum pridie quam ad te scriberemus misisti, & satis admirari earum multitudinem nequimus. Plane admiratione dignum est, vnum te hominem obseruantia regula- 30
ris disciplina die noctuque semper occupatissimum, sex & triginta supra centum in decennio, metro simul & prosa, non vulgaria absoluisse opuscula, quorum vel sola nomina mirum nos in modum oblectarunt. Da quæsumus operam, dulcissime Rogeri, vt quamprimum lectione tot operum tuorum nobis liceat recreari. Non enim tuam later prudentiam scio quantis nos æmuli concusserint iniurijs, qualibusque premamur aduersis: contra quorum insultum omnium, vna nobis consolatio relicta est, vnus manet impenetrabilis clypeus, mentis in Deum nostræ confidentia, & sacræ studium lectionis. Hos enim fidos nostræ peregrinationis comites, nulla vnquam poterit à nobis remouere impietas; ulla,